

# SKOLAS PÚBLIKU DI BOSTON



## SKITÓRIU DI SUPERINTENDENTI

12 di Setenbru di 2011

Karu família di Skolas Publiku di Boston,

Ben-vindu di volta a skola! Nu ta spera ki nhos diverti y tevi un veron produtivu. Oji, ku temperatura ta fika mas fresku, é ora di konsentra na alguns kuzas grandis ki sta ta kontisi na Skolas Públiku di Boston.

Nhos ta ben repara txeu mudansa ki ta torna aprendizajen y trabadju na BPS midjor. Nos alunus y pesual sta ta papía sobri nos refeison **mas gostozu, fresku y mas nutritivu**. Atraves di trabadju ben duru di nos Servisu di Kumida y Nutrison y un novu kontrator, nu fazi grandis milhuria ki nos alunus ta odja tudu dia.

Nos mudansa ta bai pur alen di kafetaria. Nos Departamentu di **Saúdi y Ben-Estar** ten pesual novu y un novu mison – pa dramatikamenti aumenta idukason fizika, idukason di saúdi y alerta di nutrison. Alguns mes atrás nu konvida un lider di komunidad artistika di Boston pa djuda nos **Spanson di Inisiativa di Arti**. Tralhandu ku nos parserus, serka di des mil alunus mas ta resebi aulas semanal di arti y múzika ki anu pasadu. Nos skola é tanben seguru. Devidu a sforsu di pesual y alunus, asin komu nos novu Kódigu di Disiplina y formas baziadu na prevenson spesifiku pa rezolvi problemas, **nu diminui insidenti disiplinár pa mas ki metadi**.

Es anu nu ta ben lansa un **inisiativa di Alfabetizason** y kumesa un kanpanha pa enkoraja nos alunus mas novu pa diskubri prazer na leitura. Alunus podi ten difikuldadi si es ka ten un alisersi inisial sólidu na alfabetizason. El ta revela na txeu forma lamentavel. Un alunu di grau 3 ki sta frustradu na se aula podi falta alguns aulas pa mês, un sinal inisial di difikuldadi. Statistika ta mostra modi ki alunus di idukason ilementar ki ta falta aula regularmenti ta ten so un na sinku xansi di gradua di liseu. Rapazis é mas pruvavel ki mininas pa abandona skola; y rapazis Afro-Amerikanu ten mas risku ki tudu.

Sta dentu di nos alkansi muda kel li. Nos **Ajenda di Aselerason** di sinku anu ta konsentra mas na fitxa asesu y diferenza di aproveitantu ki ainda ta izisti pa txeu alunus na demaziadu skolas y na demaziadu komunidadis.

**Nos mison é simplís: Tudu nos skolas ten ki oferesi kes mesnu oportunidadi ki nos midjor skolas ta oferesi.** Skolas sima Orchard Gardens K-8, ki é anbus, skola “Turnaround” y Skola Pilotu y ten fleksibilidadi di pesual pa skodji midjor profesor pa kada sala di aula, ta oferesi mas kuartu ora di instruson kada dia pa alunus di grau seis ki un skola tradisiunal di BPS. Kel li é igual a mais seis mês di instruson estra pa alunus. Tudu nos skola devi ten dias alongadu y tudu nos profesor devi ten mas tenpu pa plania y prepara. Kel li é razon pamodi nu sta na negusiason di kontratu di profesor mas forti, asin komu nu sta ta midjora forma ki nu ta apoia nos profesor y lider skular.

Ku novu stratejia di siénsias, matemátika, teknulujia, alfabetizason, kualidadi di profesor y splikason, BPS sta ta prepara tudu nos alunus pa es kompleta universidadi y ten susesu na karera. Nos alunus y pesual ta meresi tudu di midjor. Nu sta orgulhozu di ten alguns profesores mas ben pagu y mas apoiadu na Massachusetts y na nason; y nu sta orgulhozu ki nu sta ta fazi prugresu ku nos Alunus Ki Sta Ta Prendi Inglês y ten midjor idukason spesial na país; y nu sta orgulhozu ki nu sta ta fazi mas pa da boas vindas a alunus y pais. Nu krê pa es ten un lugar na meza na desizon ki ta fazedu na skola. É pa es razon li y mas ki BPS foi nomiadu pa ser un di kes distritu skular ki mas midjora na mundu.

Nos pais ten stadu senpre na frenti di nos sforsu na midjora skolas di Boston. Nu ta ansiozu pa trabadja di pertu ku nhos na es kumesu di mas un anu maravilhozu pa djuda kriansas di nos sidadi.

Atensiozamenti,

Carol R. Johnson  
Superintendenti